



EBAZPENA, LANGILEAK KUDEATZEKO ZUZENDARIARENA, 2024KO MARTXOAREN 17KOA, 2024KO BIRBAREMAZIO-EPEA IREKITZEN DUENA ETA GARBIKETAKO ETA SUKALDEKO ALDI BATERAKO KONTRATAZIO-ZERRENDAK EGUNERATZEKO PROZESUA ARAUTZEN DUENA.

Ebazpen honek bi helburu ditu: batetik, urteko birbaremazio-aldia irekitzea garbiketako eta sukaldeko zerrendetan daudenentzat; eta, bestetik, Ordezkaidearen bidez egindako eskaintzak eraginkortasunez kudeatzeko, zerrenda horiek eguneratzea, aldi baterako lan-eskaintzak benetan lanerako prest daudenentzat izan daitezen.

Bi prozesu horiek sindikatuekin negoziatu dira, eta gehiengo sindikalarekin Hezkuntza Saileko Lan-kontratuko Langileen Negoziazio Mahaiaren 2023ko maitzaren 10eko Akordioa sinatu da.

2024ko BIRBAREMAZIOA.

1. Sail honetako garbiketako eta sukaldeko birbaremazio-zerrendetan agertzen diren hautagaiei aukera ematen zaie zerrenda horietan aldaketak egiteko, lanaldi partzialaren eta/edo osoaren aukeraketari eta lurralde bat edo batzuk aukeratzeari dagokienez.

2. Hautagaien fitxak <https://hezigunea.euskadi.eus/eu/web> orrian daude eskuragarri. Fitxetan, datu pertsonalez gain, kategoria bakoitzean (sukaldariak eta garbitzaileak) eta lurralde bakoitzean (Arabian, Bizkaian eta Gipuzkoan) egiaztatutako zerbitzu-denborak agertzen dira, baita hautatutako lanaldi-erregimena ere. Agertzen diren zerbitzuak 2023ko abuztuaren 31ra arte zenbatutakoak dira.

3. Birbaremazio-zerrendetako hautagaiak fitxetan egin nahi dituzten aldaketa guztiak aplikazio telematikoaren bidez egin beharko dituzte. Izangaiek gida zehatz bat dute eskuragarri hemen: <https://www.euskadi.eus/eusko-jauriaritza/hezkuntza-saila/Atala>: Lan-arloa → Langileak → Ordezkapenak egiteko hautagaiak → Irakasle ez diren langileak → Garbiketako eta sukaldeko. Birbaremazioa)
Kontuan hartu beharreko gaiak:

Datu pertsonalak: hautagai bakoitzak bere fitxan agertzen diren datu pertsonalak aldatu ahal izango ditu (helbidea, posta elektronikoa edo telefonoak).

Lanerako prest egotea. Hautagai bakoitzak aukeratu ahal izango du zein lurraldetan eta lanaldi osoan eta/edo partzialean egon nahi duen, zerbitzuak dituen edo ez kontuan izan gabe; eta, ondorioz, aukeratutako edozein lurralde eta lanaldi motatan zerbitzuak emateko dei egin ahal izango zaio.

4. Fitxa aldatzeko epea. 2024ko martxoaren 18ko 09: 00etatik 2024ko apirilaren 8ko 23: 59ra izango da, biak barne, aplikazio informatikoaren bidez.

Hautagaiak nahi adina aldiz sartu ahal izango dira aplikazioan kontsulta egiteko edo aldaketak egiteko, birbaremazio-epea irekita dagoen bitartean. Gordetako azken aldaketak izango dira ondorioak dituztenak. Fitxetan aldaketarik egin ezean, 2023-24ko birbaremazioko datuak hartuko dira kontuan.

5.- Fitxak aldatzeak berekin ekarriko du fitxetan jasotako datuak Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan jasotako aurreikuspenen arabera erabiltzeko berariazko baimena. Informazioa datu pertsonalen fitxategi batean sartuko da, eta datuak eskuratzeko, zuzentzeko, ezerezteko eta horien aurka egiteko eskubideak erabili ahal izango dira une oro, lege horretan eta lege hau garatzen duten gainerako arauetan adierazitako moduan.



<https://www.euskadi.eus/eusko-jaurларitza/hezkuntza-saila/orrialdea> (Atala: Langileak→ Ordezkapeneterako izangaiak→ Irakasle ez diren langileak→ Garbiketa eta sukaldaritza.Birbaremazioa) helbidea erabiliko da deialdi honen xede diren sukaldeko aldi baterako kontratazio-zerrendei dagokienez hartzaile anitzen ebazpen eta egintza guztiak argitaratzeko edo jakinarazteko.

GARBIKETAKO ETA SUKALDEKO ZERRENDAK EGUNERATZEA. ERRESERBA ZERRENDA

1. **Erreserba-zerrendak.** 2023ko maiatzaren 31n azken hiru urteetan inolako kontrataziorik izan ez duten hautagaiak, aldi baterako baja-egoeran, erreserba-zerrendetan sartzen dira.

Zerrenda horietako pertsonak zerrenda arruntera itzuli nahi dutela berariaz adierazi arte horretarako gaitutako aldiaren, erreserba-zerrendatan jarraituko dute. Eskaera hori, oro har, urteko birbaremazio-aldiarekin batera egingo da.

2.- Langile horien zerrenda ebazpen honen I. eranskinean jasota dago; 2024/25 ikasturterako zerrendetan egoteko interesa dutenek egoera aldatu beharko dute <https://hezigunea.euskadi.eus/eu/> aplikazio telematikokoaren bidez.

Egoera aldatzeko epea: 2024ko martxoaren 18ko 09:00etatik 2024ko apirilaren 8ko 23:59ra arte, biak barne.

2024/25 ikasturterako libre dagoela eta indarrean dauden zerrendetara igaro nahi duela jakinarazteko epea: 2024ko martxoaren 18ko 09: 00etatik 2024ko apirilaren 8ko 23: 59ra.

Horregatik guztiatik, apirilaren 9ko 193/2013 Dekretuaren 10. artikulua ematen dizkidan ahalmenez baliatuz (apirilaren 24ko EHAA, 78. zk.), honako hau

EBATZI DUT:

LEHENENGOA.- Aldi baterako lan-kontratuko langileen birbaremazio-prozesua irekitzea 2024-25 ikasturterako, baldin eta garbiketako eta sukaldeko langileen kolektiboan zerbitzuak egiaztatzen badituzte. Aldaketak egin ahal izango dira <https://hezigunea.euskadi.eus/eu> web-orrian eskuragarri dauden fitxetan, 2024ko martxoaren 18ko 09: 00etatik 2024ko apirilaren 8ko 23: 59ra.

Aldaketarik egin ezean, 2023-24ko birbaremazio-fitxako datuak hartuko dira kontuan.

BIGARRENA.- Erreserba-zerrendak agertzen diren I. eranskina Hezkuntza Sailaren web-orrian argitaratzea. 2024/25 ikasturtean prest egon nahi dutenek 2024ko martxoaren 18ko 09:00etatik 2024ko apirilaren 8ko 23:59ra egin beharko dute aldaketa, aplikazio telematikokoaren bidez.

HIRUGARRENA.- Apirilaren bigarren hamabostaldian beste ebazpen bat egitea, 2024/25 ikasturtean aldi baterako beharrak estaltzeko garbiketako eta sukaldeko zerrendak osatzen dituzten hautagaien zerrenda argitara emanez. Zerrenda hori zerbitzuak dituzten langileak birbarematzeko prozesuaren eta erreserba-zerrenden emaitza izango da. Ebazpen hori behin-behineko zerrendekin batera argitaratuko da <https://hezigunea.euskadi.eus/eu/> webgunean.

Vitoria-Gasteiz, 2024ko martxoaren 17a.

LANGILEAK KUDEATZEKO ZUZENDARIA

Blanca Guerrero Ocejo